

Արցախի Տիգրանակերտն ու Ֆինանսական Խնդիրները

Տիգրան Մեծ արքայի անու-
նը կրող 6 քաղաք կա
Արեւմտյան Հայաստա-
տում, եւ ահա պարզվում է՝ Տիգ-
րանակերտ անունով քաղաք գո-
յություն ունի նաեւ Արցախում:
Երեկ «Հայացք» ակումբի հյու-
րերն էին Արցախի Տիգրանա-
կերտ քաղաքի պեղումների ար-
շավախմբի ղեկավար՝ պատմա-
կան գիտությունների դոկտոր
Համլետ Պետրոսյանը, ճարտա-
րապետ Լյուբա Կիրակոսյանը,
հնագետ Աղավնի Ժամկոչյանը:
Տիգրանակերտի պեղումներն
սկսվել են դեռեւս 2001 թվակա-
նին, տարբեր ժամանակահատ-
վածի ընդմիջումներով շարու-
նակվում են մինչ օրս: Աշխա-
տանքների դանդաղ ընթացքի
պատճառը ֆինանսական խն-
դիրներն են: Հ. Պողոսյանը դիմել
է վարչապետ Սերժ Սարգսյանին,
եւ մերժում ստացել, դիմել է
«Viva Cell» ընկերությանը՝ որեւէ
պատասխան չի ստացել: Հ.

Պետրոսյանը կարելի է համա-
րում հնագույն քաղաքը աշխար-
հին ներկայացնելու գործընթա-
ցը, հատկապէս այն դեպքում,
երբ ադրբեջանցիները նորից
«ակտիվացել» են եւ ուզում են
ապացուցել, որ հայերն Արցա-
խում ընդամենը հյուր են: Այդ իսկ
պատճառով նա ստեղծել է
www.tigranakert.am կայքը, որի
աշխատանքները նույնպէս դա-
դարեցվել են ֆինանսական խն-
դիրների պատճառով:
Դեռեւս 7-րդ դարից պահպան-
ված հայկական պատմական
աղբյուրներում եղել են տեղեկու-
թյուններ, որ Արցախում եւ Ուտի-
քում կա Տիգրանակերտ անվամբ
քաղաք. «Մենք փորձեցինք հնա-
գիտորեն ուսումնասիրել, գտնել
այդ քաղաքը, սկզբում դա մեզ
առասպել էր թվում: Սակայն
մենք հայտնաբերեցինք Տիգրան
Մեծի ժամանակաշրջանից պահ-
պանված ժայռափոր աշտարա-
կը, բազմաթիվ խեցեղեններ,

Տիգրանակերտի միջնաբերդը,
որը շարված է տիպիկ հելլենիս-
տական դարաշրջանի ճարտա-
րապետական ոճով: Շահիբուլա
անունը կրող աղբյուրը, որը բա-
ռացի նշանակում է արքայի աղբ-
յուր: Այս ամենը վկայում է, որ Ար-
ցախի Տիգրանակերտն իսկա-
պէս հզոր քաղաք է եղել», -ասաց
Հ. Պողոսյանը:
Հնագույն Տիգրանակերտ քաղա-
քը 14 դար անընդմեջ գոյություն է
ունեցել, այդ իսկ պատճառով
քաղաքի ավերակներում, շրջա-
կա տարածքներում պահպանվել
են ոչ միայն հելլենիստական
դարաշրջանին պատկանող հնա-
գույն իրեր, ամրոցի փլատակ-
ներ, այլեւ հայտնաբերվել է նաեւ
վաղ միջնադարյան մի ամրոց,
կան վաղ միջնադարի բազմա-
թիվ քրիստոնեական տաճար-
ներ, 7-րդ դարի քրիստոնեական
եկեղեցի, որն ադրբեջանցիները
վերականգնել են՝ համարելով
այն աղվանական, ջնջել են հայ-



կական արձանագրությունները,
խաչի նշանը, սակայն պեղում-
ներ կատարող խմբին հաջողվել
է հայտնաբերել բազմաթիվ ար-
ձանագրություններ, որոնք այժմ
տարվել են ուսումնասիրության:
Երկու խոշոր բնակավայր է
հայտնաբերվել, որը ժամանա-
կագրության առումով չէր կարող
Տիգրանակերտի մաս չկազմել:
Այս տարի հունիսից պետք է
վերսկսվեն պեղումների աշխա-
տանքները, իսկ թե ինչ միջոցնե-
րով՝ դեռեւս հայտնի չէ:



Աշխեն
ԲԵՇԻՇՅԱՆ
ashkhen@hraparak.am